

ՈՂՋՈՒՅՆ ՆՈՐԱԾԻՆ ՀԱՅԿԱԿԱՆ ԱԿԱԴԵՄԻԱՅԻՆ

Սովետական Հայաստանը, Միութ-
թյան ռեսպուբլիկաներից մեկը, ար-
ժանացավ սեփական ազգային Գի-
տության Ակադեմիա ունենալու
պատվին, մի բարձր պատիվ, որի
մասին քսան տարի առաջ չէր էլ կա-
րելի երազել: Երբ ցարական ժամա-
նակի ռուսաց Գիտությանց Ակադե-
միան Սովետական իշխանության
ժամանակ վերածվեց Համամիութե-
նական Գիտությանց Ակադեմիայի,
առ կարևոր համարեց Միության
բոլոր ռեսպուբլիկաներում ստեղծել
սեղանական օժանդակ ճյուղեր— Ֆի-
զիալներ, որոնցից մեկն էր և Հա-
յաստանի Ֆիզիալը՝ Արմֆանը: Այս
Ֆիզիալները պետք է գործեին՝
Կենտրոնական Համամիութենական
Ակադեմիայի հսկողության ու ղե-
կավարության տակ և նրան պետք է
հաշիվ տային իրենց գիտական գոր-
ծունեության մասին: Երբ Ֆիզիալնե-
րից այս կամ այն մեկը իր գիտա-
կան գործունեության արդյունքով
աչքի էր ընկնում, ցույց էր տալիս
ընդունակութուն ինքնուրույն աշ-
խատանքի՝ նրան շնորհվում էր Ակա-
դեմիայի կոչում ու իրավունք:

Այսպես առաջ եկան Ուկրաինայի
և մեր հարևան Վրաստանի Ակադե-
միաները: Նույն վիճակին արժանա-
ցավ այսօր և Սովետական Հայաս-
տանը: Ուրեմն նորաբաց Հայկական
Գիտությանց Ակադեմիան մի հա-
տունության վկայական է, որ Սովե-
տական իշխանությունը և Համա-
միութենական Ակադեմիան տալիս են
Սովետական Հայաստանին, մի բարձ-

րագույն պատիվ, որ նրանք ցույց
են տալիս նրա աշխատավորներին
գիտական ասպարեզում: Սա մեր
նորաբաց Ակադեմիայի վրա բարոյա-
կան պարտք է դնում՝ նոր, ավելի
նպաստավոր պայմաններում ավելի
եռանդուն կերպով աշխատել, արդա-
բացներու համար իրեն ցույց տրված
վստահությունը:

Այս բարձր շնորհի համար մենք
երախտագետ պետք է լինենք Սո-
վետական իշխանության և նրա մեծ
ու հանճարեղ առաջնորդ Ի. Վ.
Ստալինին, որոնք ոչ միայն փրկեցին
հայ ժողովուրդը անխուսափելի
կորստից, ոչ միայն ստեղծեցին
Հայաստանի ռեսպուբլիկան, ոչ միայն
վերաշինեցին մեր ավերված ու
քայքայված հայրենիքը, շենացրին
գյուղերը, գարկ տվին արդյունա-
բերության զարգացմանը, այլև
նախանձախնդիր եղան մեր կուլ-
տուրայի՝ արվեստների ու գրակա-
նության զարգացման, ստեղծելով
գիտական հիմնարկներ, համալսա-
րան, ինստիտուտներ, խրախուսեցին
հայկական գեղարվեստը, որպիսի
խրախուսանքի թաղն ու պսակը
կազմում է նոր հիմնավող Հայկական
Ակադեմիան:

Մեծ է, շատ մեծ է Սովետական
իշխանության և նրա խմաստուն ա-
ռաջնորդի՝ Ի. Վ. Ստալինի երախ-
տիքը հայ ժողովրդի վրա, նույնքան
էլ մեծ և սրտազին պետք է լինի
մեր երախտագիտությունը նրանց
վերաբերմամբ:

Ակադեմիկոս՝ ՍՏ. ՄԱԼԽԱՍՅԱՆ